



*Saül tourmenté du malin esprit, veut frapper Daud d'une lance, lequel fuyant est poursuivy, mais sauvé par Michol sa femme.*

**L**E Roy Saül avoit vn fils nommé Ionathas, qui aymoit Daud de tout son cœur, & luy donnoit aduertissement de la mauuaise volonté que luy portoit son pere, auquel il remonstroit que Daud n'auoit aucunement méfait; mais comme genereux auoit défait le Geant Philistin. Saül donc appaisa son ire, & Daud fut remis en grace, qui depuis fut employé en la guerre recommencée contre les Philistins. Mais peu apres le mauuais esprit fut sur Saül, qui voulut frapper Daud d'une lance, ainsi qu'il iouïoit deuant luy, comme de coustume. Daud donc s'estant détourné de la fureur de Saül, fut poursuivy par ses Archers, qui auoient charge de garder la porte, & l'occire le matin. Mais Michol femme de Daud, éuita finement cette entreprise, en feignant Daud estre au liët malade, y ayant mis vn simulacre en sa place, & le descendit par la fenestre. Dont Saül irrité, dit à Michol: Pourquoi as-tu laissé aller mon ennemy? Laquelle respondit, pource qu'il m'a dit, Laisse moy aller, ou autrement ie te tueray. Ainsi Daud se sauua vers Samuël en Ramatha, & raconta tout ce que Saül luy auoit fait, & s'en allerent ensemble en Najoth, dont Saül aduertiy les fit poursuiure; mais il ne vint à chef de son mauuais vouloir.